



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj: 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **HRVATSKOG BLOKA BiH**

Broj: 03-07-6-1166/08
Sarajevo, 16.02.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Hrvatskog bloka BiH za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka nije ispoštovala odredbe člana 11. stav (3) i (4) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka i nije dostavila dodatnu finansijsku dokumentaciju za 2007. godinu..**

Na osnovu našeg pregleda, odnosno kontrole finansijskog izvještaja, osim gornjih napomena nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Hrvatskog bloka BiH za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatski blok BiH je iskazao prihode u iznosu od 2.403,75 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	3,75	0,16%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	2.400,00	99,84%
	Ukupni prihodi:	2.403,75	100,00%

U godišnjem finansijskom izvještaju Hrvatski blok BiH je iskazao ukupne rashode u iznosu 2.926,42 KM.

2. PREDSTAVLJANJE POLITIČKE STRANKE

Naziv političke stranke: Hrvatski blok BiH. Skraćeni naziv je HB BiH.

Politička stranka Hrvatski blok BiH je registrovana 18.10.2004. godine kod Kantonalnog suda u Mostaru pod brojem 04-32.5-1.

Sjedište političke stranke je u Mostaru, Ante Starčevića broj bb.

Za zastupanje stranke ovlašteni su Mario Vasilj, predsjednik. Osoba ovlaštena za podnošenje finansijskih izvještaja za 2007. godinu je Blago Vukoja.

Organizacionu strukturu stranke Hrvatski blok BiH čine¹:

- Temeljna organizacija i slijedeće općinske organizacije: Mostar, Široki Brijeg, Posušje, Busovača, Livno, Tomislavgrad i Kupres.

¹ Obrazac 1-1, nije dostavljen u godišnjem finansijskom izvještaju za 2007.godinu. Podaci o organizacionoj strukturi stranke preuzeti su iz godišnjeg finansijskog izvještaja za 2006. godinu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog bloka BiH za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatski blok BiH u izvještajnom periodu postupio u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatskog bloka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE REVIZIJE

Izvršen je pregled godišnjeg finansijskog izvještaja Hrvatskog bloka BiH za 2005. godinu i izdat izvještaj o pregledu sa mišljenjem revizora, nalazima i preporukama revizije.

Služba za reviziju je, takođe, izvršila reviziju godišnjeg finansijskog izvještaja za 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 6., člana 11. stav (1), (2) i (3) Zakona o finansiranju političkih stranaka i člana 15. stav (1) Izbornog zakona BiH.

Realizovane preporuke:

Hrvatski blok BiH je djelimično ispoštovao preporuke revizije date u izvještajima o reviziji u dijelu koji se odnosi na odredbe člana 6. i člana 11. stav (1) i (2) Zakona o finansiranju političkih partija.

Nerealizovane preporuke:

Na osnovu uočenih nedostataka u godišnjem finansijskom izvještaju za 2007. godinu, utvrđeno je da Hrvatski blok BiH nije ispoštovao sve preporuke date u izvještaju o reviziji i da je u 2007. godini postupao suprotno odredbama člana 11. stav (3) i (4) Zakona o finansiranju političkih stranaka.

5. NALAZI I PREPORUKE

5.1. NALAZI

Hrvatski blok BiH je prekršio odredbe člana 11. stav (3)² i (4)³ Zakona o finansiranju političkih stranaka.

- Na obrascu 2. stranka nije iskazala transakcioni račun broj: 33823002200598411 otvoren kod UniCredit Zagrebačke banke.

² Do 31.03. naredne godine političke partije podnose finansijski izvještaj u formi koju odobri Centralna Izborna Komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja

³ Sva lica koja su dužna da podnesu izvještaj moraju da podnesu i dodatne izvještaje koje Centralna Izborna Komisija Bosne i Hercegovine zatraži.

- Finansijski izvještaj je dostavljen sa zakašnjenjem dana 29.04.2008.godine. Uz godišnji finansijski izvještaj nije dostavljen obrazac 1-1. organizaciona struktura stranke.
- Stranka na zahtjev CIK BiH nije dostavila traženu finansijsku dokumentaciju za 2007.godinu, odnosno nije postupila po našem zahtjevu broj: 03-07-6-1476/08 od 26.05.2008.godine.

5.2. PREPORUKE

Preporučuje se Hrvatskom bloku BiH da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje :

- **Da postupa u skladu sa odredbama člana 11. stav (3) i (4) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.**

Komentar

Hrvatski blok BiH se nije očitovao na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji mu je dostavljen 08.01.2009. godine.

Mr.Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora